



Aizawl BYF Thukizakna



"Pumpi kisekin kisinna manpha hi. Ahi zongin kha thu-ah kisekin kisinna pen tuhun

KISIN KUM (I Tim 4:8)

laitak leh a hong tungding hunah nuntakna hong piathei ahieh manin manphazaw lai hi,"

LOM-VIII

HAWM - 43 ❖

NIPINI SUAK ❖

NI: 14-11-2010

Hun Geelna

BYF

Dt.20.11.2010

Hun uk

Tg.David GoLianPiang

Hunpan

Lia Cing Sian Vung

L. St. Kamngah

Tg.Kap Lian Sang

Solo

Tg.Jacob Go Za Lian

Thunget hun

Prayer Secretary

Sumpi ap

Tg. Vai Deih Cin

Hunpi

Lia Man Deih Lun

Hih Hun geelkholhna pen

Crusade sung tawh hong

kituak ahieh man a kulna

bangin kibawlpha thei hi.

Dt.07.11.2010

(Nipi ni)

Aizawl ZBC hiang tuamtuum
sumlut dan

- 1.Sawmakhat ₹. 19,818.
- 2.Mission ₹. 19,366.
- 3.Nipi Sumpi ₹. 1,108.
- 4.BWS ₹. 235.
- 5.BYF ₹. 80.
- 6.Building ₹. 350.
- 7.ZBYF Conf. ₹. 4,000.

Vekpi gawm ₹. 44,957.

Dt.17-21,Nov.,2010

**Aizawl ZBC Biakinn
ah**

Crusade om ding ,

Tuni Sermon;

**Sia Kham Sian Pau
M.Th.**

(Director of Khitui Gospel)

MINPHUAH DAN

I pianna pu Chinese te in nidang in naungek min a phuah uh ciang mintap, mindap, mintawphah na neisak uh hi. Ahi zongin tu hun ciang zui nawnlo uh hi. Banghangin zui nawnlo hiam cih a genna vuah China gam nusia in gamdang a tun uh ciang, minam dang lak ah a ten uh ciang, midang tawh zi leh pasal in a kilak tuah gawp uh ciang a ngeina uh mindap, mintap, mintawphah neih pen lem nawnlo, seinpi lo, convenient lo, hitheinawnlo hi ci uh hi. Tua ahieh manin damdam in nusia uh a, tuhun khangthakte bangin neih dingin zong tuat nawn seselo uh a, phawkkhak in zong nei kikkello lelta uh hi. A kul hiam cih bel ngaihsut zong ngaihsun kha nawnlo uh hi.

Tua bangin Chinese putek khat tawh ka kihona vuah hong gen hi.

Tuapa bang zong ama min pen mintap, mindap, mintawphah nei a kiphuak hilai a, ahi zongin tu in tua banga akiphuak mah a sanggam 4 teng koi gam tung hiam cih zong theilo in, aneu lai vua sumzong dinga gamdang ah a kithehthang mang khit uh poi a sak mahmah thu gen hi. A kikhen zawh uh tu'n kum 50 bang val ta a, kikan kiking baih nawnlo hi, ci hi. Aman zong a min kiphuah dan uh zui nawnlo, a sanggamte in zong a zui ding um nawnlo, tulai khangthakte in zuih cih thadah phawk in zong nei nawnlo cih amuh ciang a gen kawm in a khasiat suak peuhmah hi. Saipi cia a pha i pianna pu Chinese te in zong tua bang ngeina a mansuah thei uh na hi mawk hi. Tuhun ciang amau English name leh Chinese name nei tuam tek pian ta uh hi. English speaking group tawh a kikhohh ciang English name zang, Chinese speaking group tawh akikhohh ciang Chinese name zang. Tua pen China gam nusia in English speaking countries ah laisim, tourist, work, on duty, etc in a pai uh ciang noptuam diak, convenient diak hi, ci uh hi. Leitung kipei veh aw, '... en, a tuci di sakaang e' cihcih theih hinawn kei veh, khuadak zel zong kism.

Dr.Hau Za Cin
Phuitong Liim

ZBYF Annual Council Cum Leader Seminar 2010



Dt.11 & 12, November 2010 sungin Champhai ZBC Biakinn ah ZBYF Annual Council leh Leader Seminar nopci tak kizang a, hih hun sungin Resorce Persons;

Sia Dal Sian Pau MA leh Sia Nang Sian Mung MA te in siamtakin hong makaih uh hi, Dt.11.11.2010 sun hun Seminar nuam tak a kizat khith ciangin, zanah BYF Report ngaihkhiatna kinei a, Aizawl BYF tangin Lia Dim Lian Kim Treasurer in siamtak leh kicing takin report pia hi. khua tuamtuum BYF ten zong Report hoih tak pia thei uh a, BYF 19 pan 14 in report pia thei in report pia thei lo 5 om hi.

Dt.12.11.2010 sun hun Annual Council nuamtak leh lawhcing takin kizanga, palai 51 ding pan 34 kipai a, President Pa K.Lang Kap leh Vice President Upa Kham Suan Pau ten siamtakin hong makaih uh hi. Council ah thu hoih tampi kikum khawmin tuate lakah tu a seppah ding ZBC Zum(Office)tungah khuamkalkhat sung 2013 ZBYF Silver Jubilee phawkna Hall lam ding ZBC General Council a nget ding kigeel hi





Guai! kum sim a i muak den Jesu suah lungdam paw leh kumthak hong nai to zel a, i lungsim ngaihsutnate tua lamah kiheito dingin ngaihsun ciat phot hang! kumtawnin i thak zo kei phial zongin hih kha khat sung beek Biakinn zuan a i lungsim i thaksuhsak pen manpha veve, i kum a tawm leh atam tawh kizui-in kha bangzah Jesu ading i lungsim leh i hunte i pia zo hiam? cih zong hih pan ngaihsut theih ding hi. lungdam huai hi lawphuai hi bangmah man lo kimlai Pasion ta i suah manin kumkhat a kha khat bek pen hawmthawh huai hi. Banghang hiam cih leh eite hong gum Jesu pen December kha sung khawng beka a phawk i hih khak ding pammaih mahmah hi, bang hang hiam cih leh Jesu ngaihsutna December kha sung bek hilo hi, a tawntung adingin a nuntakna hong pia hi. ...

Topa mai-ah



phawk ni



@ Pa Zen Za Nang Gilsung leh Tuap lam damloun Aizawl Civil Zatopi ah om, (Pa Nang pen Pa Nang Ngaih Lian Mission Secretary ii a pa hi) hong dambaih nading;



@ Dt.17-21,Nov.2010 Crusade ah, Evan.Lang Do Khup zanga Topa'n Gup ngah mi hong behlap nading;

@ Dr.JM.Paupu pen Denver khuapi Colorado State, USA ah Doctor ten paihsak hi. tu'n Zato ah om lai ahiah man hong dambaih nading;

@ Dt.11th-12th,November 2010, Champhai ZBC Biakinn ah 19th ZBYF Annual Coancil leh Leader Seminer lawhcing taka zat theih nading;

@ ZBC gambup hunbit nasem leh makaite, mun tuamtuama BYF member khualzin siamsin leh sum zongte banah Pasion thu tangko Pasion mizatte;

@ Nu Ciang Ngaih Niang W/o. Sia Vum Hau Thang cidam a hong ciah baih nading;

@ Lia Lun Niang D/o. Nang Dim guh lam hatlo hong dam baih nading;

@ 2011 ZBYF khawmpi nuam leh lawhcing taka i zat theih nading;

2010 ZBYF A/C nuamtak kizo

ZBYF Annual Council Champhai ZBC Biakinn ah, Dt.12,Nov.2010 in kizanga Aizawl pan Upa Gin Za Go President ZBC, Upa Kham Suan Pau Vice President ZBYF, CC., Sia Nang Sian Mung Committee Member ZBYF, CC, te leh Upa Hang Thawn Tuang President, Tg. David Go Lian Paing Secretary, Lia Dim Lian Kim Treasurer leh Tg. Cin Lian Mung Committee Member BYF te va kihel thei uh a, Dt.13.11.2010 in cidam takin Aizawl hong tung kik uh hi


A Tate that in kiawk lum

Lamka, Vengnuam veng a teng Pa Zam Khan Muan (Kum-40) S/o Mr. Liah Za Cin in, November 12, 2010 (12:40PM) pawlin a Nu vakkhia dingin sawl a, a vakkhiat khit a sawt loin a tate Tg. Thangkhenkhup (kum-11) leh Tg. Thangbiakmang (Kum-3) a ksilna tuibuk sungah tem tawh dot lumin, a dotlup khitteh amah leh amah kikhailum cih thu kiza hi. - *tongsan*

Crusade leh Thusinna

Dt.16-21,Nov.2010 sungin North TBA Khangno Thusinna leh Crusade Buanli khua ah kizang ding a, Speaker Rev. Cin Za Mung (Evan. Lang Do Khup U) hi ding cih thu kiza, - *tongsan*

Synod Executive Committee 230 na Dt.9.11.2010 in Pi Zaii Hall Synod Conference Centre ah pan uh a, Financial report pan tukuma Synod sum ngahsa vekpi ₹.33,53,42,212/ hi in, Budget vekpi ₹.25,85,55,488/ in pha lo hi. Zawlaidi vai ngaihsunkhawm hi.



Nung (October) kha tawp lama kipan Indonesia gam Jakartar khuapi pan 430 Kms. (267 males) a gamlatna Merapi mualpi panin meimual (volcano) puakkham mi 130 val si-in, 200000 val mundangah kituah uh hi. Hih Marapi Vocano pen a beisa kum 100 sungah a nasia pen hi dingin kiciamteh hi. - *tongsan*.

ZOMI EPIGRAM

1. Ngahkik ding lametna hang hi lo a, mite aa dinga kipia a, mite thupi ngaihsut hoih hi.

2. Ama angsung bek kingaihsun a nungtate mi lawhcing hi lo a, midang khual a nungtate pen mi lawhcing hi zaw hi.

3. Lawhcinna dingin i lawhsapna zah sang a tam zaw i sepkhiat kik kizam hi.

4. Mite tung beka kinga a, mi na muan sung teng mi lawhcing na hi kei ding hi.

5. Gualzawhna ding a siksan masa pen in hong buaisak leh hong nawngkai sak bang hiam cih tel masak ahi hi.

A kaikhawm Pa Kham Do Pau

Pilna mah thupi

Bholaram Das kum 100 in, Dt.16.10.2010 in Guwahaty University ah Ph.D. sin dingin a min khum cih thu kiza.

Obama India ah

US President Obama India gam sunga hong zinna-ah nikhatin \$.200. million, India ₹.900 vaibelchhia bei hi, cih thu kiza

Crusade Huhna

Crusade huhna sum kikhon khin zo nai lo hi, a kikhon khitteh huhna plate leh a piakzah uh a lem leh hong suaksak nung e maw

Dahpihna

Nu Zen Khan Cing (53) W/o. Vial Pau, Selam in Dt.13,11,2010 Kigin ni zan 9:00pm in awmsung natna hangin hong nusia a, Zaitha Editorial Boardin a nusiat Innkuanpihte dahpih mahmah hi, Nu Zen Khan Cing pen Sia Nang Sian Mung Zaitha Editor, ii a U (Sanggam nu) amau unau sungpan a upa pen hi a, Editor Sia Mung zingsang (15.11.2010) ciangin Selam zuanin zinding hi, thungetna ah phawk ni

Editor - Pa Nang Sian Mung

Joint Editor - Upa Hang Thawn Tuang **News Editor** - Upa Kham Suan Pau **Circulation Manager** - Tg. K. Joseph Hatzaw

Contributing Editor - Nu Man Ngaih Niang, Pa Nang Ngaih Lian, Tg. David Go Lian Piang, Pa Vum Hau Thang